

ԿԻՆ ԺՐԱԳԼՈՒԽ

ԸՍՏ ԱՌԱԿԱՅՆ ՍՈՂՈՄՈՆԻ,

Կին ժրագլուխ պատուականագոյն
Բան զականս պատուական.

Կին ժրագլուխ պըսակ առն
Եւ թագուհի իւրոյ տան:

Կին իմաստուն շինեաց իւր տուն,
Կանգնեաց անդէն եօթն սիւն.

Եդ ի վերայ հաստատութիւն
Տեօթն ազգի իւր սերունդ:

Զեն զզենլիս, արար սեղանս,
Խառնեաց գինի ի տաճար,
Ու տել կոչեաց զանզգամս —
Խնդրել զիմաստ և հանճար:

Կին տանտիկին՝ զերթ վայելուչ
Այգի յանկեան տան իւրոյ,
Որդիք՝ զերթը զսեղանովք շուրջ
Մատաղատունք ձիթենւոյ:

Ծածկէ զտուն իւր հովանի,
Բարունակք՝ զյարկս վերնատան,
Զգէ զորթ իւր մինչ ի դրացիս,
Հառաւիղքն՝ ի հեռաստան:

Պտուղ նորա՝ պտուղ սիրոյ,
Կթեն իւրքն և օտարք,
Եւ յարենէ իւր ողկուզոյ
Քամեն իշխանք և տնանկք:

Վստահ ի նա սիրտ առն իւրոյ,
Ոչ կարօտի աւարաց,
Գործակից է առն իւրոյ
Ամեն բարեաց և կենաց:

Յառնէ ընդ այգն ընդ արշալուսն
Տայ կերակուր ընտանեաց,
Եւ գործ ձեռաց յայգուէ ցերեկս
Նաժշտաց և աղախնեաց:

Գտեալ նա զասր և զկտաւս՝
Առնէ անօթս պիտանի,
Գերթ շահարբեր նաւ՝ իւր գանձս
Հեռաստանէ ժողովէ:

Տեսանէ նա զանդ գեղեցիկ —
Գնէ զնա յըստացուած,
Եւ ի պտղոյ ձեռաց իւր գիրգ
Գործէ զերկիր յերկ արդեանց:

Գօտի ածեալ հաստատութեամբ,
Ընդ մէջ իւր վաղորդայն,
Միտէ զբաղուկս ի գործ քրտամբ,
Եւ ոչ դառնայ ձեռն ունայն:

Ճաշակէ նա և տեսանէ՝
Քաղցր է գործել՝ ում է կամ,
Ոչ շիջանի ճրագ ի նմանէ
Զգիշերն ամենայն:

Զգէ զձեռս իւր ի յօգուտ,
Յօգուտ տան իւր ու օտարաց
Եւ զմատունս իւր անձանձրոյթ
Ի լոյս տան իւր և բազմաց:

Բանայ զձեռս իւր ողորմած
Ընդարձակէ աղքատաց
Եւ կարկառէ զօրհանապաղ
Պտուղ քաղցր տնանկաց:

Ոչինչ հոգայ ի կողմանէ
Տան իւրոյ տէր — այր նորա,
Յորժամ հեռի նա ի տանէ
Յամել ուրեք անկ նմա:

Քանզի տրար նա առն իւրում
Բեհեղս և ծիրանիս,
Արար նա և անձին իւրում
Արկանելիս և օթիս:

Զամենեսեան, որ զնովաւ,
Ագոյց կրկին պատմութեանս,
Արար արկանելիս, կտաւ,
Եւ վաճառեաց ի Քանանս:

Զբերան իւր իմաստութիւն
Բանայ շափով խնայութեան,
Եւ կարգ դնէ լեզուի իւրում
Մի ելանել ըստ սահման:

Զգենու մեծ — վայելչութիւն
Եւ զօրութիւն ի բարիս,
Ուրախ լինի յաւուրս յետին
Յիւր վաստակոց ի քրտինս:

Պարկեշտ են մուտ, ուղիղ և ել
Ճանապարհաց տան նորա,
Հաց դատարկութեան նա ոչ եկեր,
Հաճեցաւ կեանս ձեռք նորա:

Ողորմածութիւնքն յաղքատս
Կանգնեն զորդիս իւր կարօտ,
Եւ մեծ առնեն զնա և զնորայն
Առաջի Տեառն և մարդկան:

Երևելի է այր նորա
Ի դրունս, յորժամ նստիցի
Ի ժողովրդեան ի մէջ ծերոց,
Եւ բնակչաց իւր երկրի:

Գովէ ասէ այրն ցկինն —
Բազում դստերք ստացան

Զմեծութիւն, և բազումք են
Որք արարին զօրութիւն:

Բայց դու եղեր մեծ ի դստերս,
Մեծ ի կանայս առաւել,
Եւ անցուցեր դու զանցուցեր
Զամենեքումք գերիվեր:

Սուտ հաճութիւնք ընդունայն գեղ
Կնոջ՝ ի քեզ ոչ գոյ արդ,
Զի օրհնեսցի կին հանճարեղ
Իմաստուն և բարեպաշտ:

Զերկիւղածս պատուեսցէ Տեառ
Տո՛ւք որ առնուքդ, տո՛ւք նմա,
Տուք ի պտղոյ շրթանց նորա,
Գովի ի դրունս այր նորա:

Զի ճանապարհք առնն երթիցեն
Իւր երեսաց առաջի,
Եւ ի բարիս աջողեսցին
Գնացք ոտիցն յաշխարհի:

Սամուէլ Գիւլղաղեանց

ԿԱՐԵՒՈՐ ԾԱՆՈՒՑՄՈՒՆԲ.

Աստրախանի Կոնսիստորիայն 1050 ի 28 Յունիսի տարւոյս
դրած է խմբագրութեանս հրատարակել, որ այլ ևս Աստրախանի
եկեղեցիք չունին աւելորդ զարդեր և սպասներ միւս վիճակաց
կամ Պարսկաստանի եկեղեցիաց ուղարկելու, թող այսուհետեւ
չգիմեն Աստրախանի եկեղեցիաց կամ Կոնսիստորիային. նոցա
խմբագրերն կը մնան անպատասխանի և տուանց հետեւանայ:

Առաջիկայ Օգոստոս 1/20 Յունիսի, ԱՐՄԷՆԻԱ անուն հայերէն
մի լրագիր պիտի հրատարակուի Մարտէյի մէջ, շաբաթն երկու
անգամ, համարատուութեամբ Ֆիլիքս Անֆանդէնի և խմբագրու-
թեամբ Մ. Փորթուգալեանի, տարեկան բաժանորդագլինն է 10 ռ.
թղթադրամ: Խմբագրութիւնն ինք կը վճարէ փոստի ծախքը:

ԱՐՄԷՆԻԱԿ 2րջաբերական յայտարարութիւնը յիշատէ՝ կը
դրկուի եթէ ցանկացող լինի իմանալու այդ լրագրի նպատակը,
ուղղութիւնը և սրայմանները: Կարելի է գիմել խմբագրութեանը,
Քրանտերէն հետեւեալ հասցէով. M. Portoukalian, Rédacteur du journal
ARMENIE, rue Arménie, 2 (Hôtel Forer), MARSEILLE (France),